


Көдээнің хөөннери

ЫРАКЖЫ ШАҢЧЫ СУУРДА



Шаңчы суурнуң ниити хевири.

Чаа-Хөлдүн Шаңчы – республикада эң озалааш суурларның бирээзи. Ук суур шаанда сайзыраңгай ССРЭ үезинде хөй тараа



Хоочун үлегерлиг чурттакчы С.М. Довут-оол.



Студент Айдыс хой кадарып чор.

тарып турган хову ортузунда тараажылар бригадазы турган черде тургустунуп тыптып келген. Ону долгандыр ховулардан шаанда тараажылар 1га черден 60 центнер дүжүттү ап, чүгле Тывага эвес, бүдүн ССРЭ-ге диңмиреп турган. Ол ховудан алдынган дүжүттүн дээжини Москвага Улус ажил-

агый делгелгезинге дыка үр Тываның чонунуң ажилгырын бадыткап турган дээр.

Хөй тараа тарыыры арай эвээжеп эгелээрге, мал-маган туткан чамдык өг-бүлелер ол бригада төвүнге көжүп кээп, бажың тудуп чурттап эгелзэн. Хову бригадазы шак ынчаар чурттакчылыг суур кылдыр хуулуп эгелзэн. Ынчалза-даа административтиг төптүг, тускай бот-эрге-чагыргалыг суур апаргыжеге чедир ырак херек турганы чугаажок. Хамык чүве баштай ол чурттакчылыг черге ийи класстан тургустунган эге школа ажыттынганындан эгелзэн. Ийи аал чурттаар бажыңны ийи класстыг школа кылдыр эде дерзэш, 1-ден 4-ке чедир класстарны ийи сменага өөредип турган. Бо чылын чаа Шаңчы суму чагыргазының даргазы кылдыр соңгуткан Дайамаа Ховалыговна Дамчай 1994 чылда эң баштай чедип кээрге, байдал ындыг турган. Беш класстан ыңай ук суурнуң өөреникчилери кожуун төвү Чаа-Хөлге азы өске-даа суурларже өөренип чоруй баар. Элээди назылыг өөреникчиге ада-иезиниң бажыңындан чоруп, өске суурга өөрири берге-ле болгай.

Ынчангаш кел сала, ол эге школаның директору апарган Дайамаа Ховалыговна ук өөредилге албан черин делгемчидер сорулганы мурнунга салган. Ынчангаш эрги хой кыргыыр чер турган узун бажыңны эдехере дерзэш, аңаа тос чыл школазын ажыткан. Ук хой кыргыыр бажыңны школа кылдыр дерининге Шаңчы суурда көдээ ажил-агый кооперативиниң даргазы Очур-оол Ховалыгович Норбунуң дузазы улуг болган. Ол күш-ажылчы холдар-биле-даа, тудуг-даа материалдары-биле дузалап турган.

Эге школага баштай 40 хире өөреникчи өөренип турган болза, 9 чыл школазы апарганда өөреникчилер саны көвүдзэн. Бо хүн-



Школаның ногаа шөлү.

нерде 80 ажыг өөреникчи ында өөренип турар. Башкы кадрлары оон-моон чалап, кыска үе иштинде школыны бут кырынга тургускан. Өөредилге кабинеттери, дериг-херекселдер, кичээлдерге хереглээр көргүзүг материалдарының талазы-биле ук школа республиканың өске школаларындан дудавас дээрзин бис оон иштинче кирип, таныш-каш билдвис. Эңылаңгыя школаның чечектер тараан шөлү чүүден онза болду. Ында декоративтиг капуста, сентябринка, кипарис ыяжы дээш, дыка чараш ховар чечектер бар болган. Бо чорааш Кызыл хоорайның кончуг школаларына безин ындыг чараш чечектер көрбзэн мен. Таптыг чурттаар, ажылдаар болза, көдээ, харын-даа көдээнің көдээзи джжиривис ырак булуңнарга безин хоорай улузундан артык чараш, культурулг кылдыр чурттап болур чүве-дир деп, ол Шаңчы 9 чыл школазының чечектерлиг шөлүн көргөш, боадым.

Дараазында ол-ла школаның ногаа шөлүнге бардывис. Чаңгыс аай дорт рядтар кылдыр чурумнуг тараан капусталар чер-чери-биле шөйлүп чоруй баргылаан болду. Оон аңгыда огурец, помидор, баклажан, свекла дээш, чок-ла чүве чок. Шаңчы ышкаш суг чок, чаңгыс-ла борбак кудуктуг суурга ол хире чараш чечектерни, ногааларны тарып өстүрүп турар магалыгла ажил-ишчи башкылар-дыр деп бодап турдум. Ылаңгыя чечектер өзүп оран салгалды чараш чүүлдерге ынак кылдыр кижизидеринге дыка улуг уjur-дузалыг. Ындыг чараш чечектерни ажаап суггарары безин уругларга күш-ажылчы кижизидилге. Чараш чүүлдерни чүгле көрүп магадаар эвес, оларны Шаңчы 9 чыл школазының башкылары ышкаш тургузар херек. Дайамаа Ховалыговна бо чылын суму даргазынга соңгуткан. Оон орунда Шаңчы 9 чыл школазының директору эге класс башкызы Кара-кыс Өмүнеевна Монгуш апарган. Ынчалза-даа Дайамаа Ховалыговна удуртуп чорааны школазын анаа кагбайн, суму ажылы-биле чергелештир хайгаараар, дузалаар апаары билдингир.

Шаңчы сумузунда ниитизибиле 500 ажыг кижичурттап турар. 90 өреге бар. Чединмес 4-ле өреге бар. Өскелери мал-маган тудуп, амыдыралының деңгелин ортумактан өрү тудуп турар. Эң хөй мал азырап турар үлегерлиг өг-бүле ээлери Дүрген-оол Монгуш, Саня Ашак-оол, Анастасия Кенден, Бичинек Монгуш олар бооп турар. Оон ыңай эки амыдыралдыг өг-бүлелерден Сотпа Монгушович Довут-оол деп 80 харлыг кырган база бар болду. Өске-даа эки амыдыралдыг өг-бүлелер бар. Суму бюджетинче колдуунда үндүрүлгөрдөн, күрүнө үндүрүүндөн акша-хөреңги эвээш-биче-даа бол, кирип турар. Суму өнчүзү чүгле чаңгыс кудук бооп турар. Клуб, школа амдызында кожуунга хамааржыр бооп турар. Чаа суму даргазы Дайамаа Ховалыговна 2006-2007 чылдарда ук суурга 11 чыл школазын туттура-рын планнап турар. Оон ыңай Кызылдың СПТУ-1 ортумак өөредилге чери-биле керээ чаргаш, бо суурга оон машина, трактор өөренип салбырын ажыдарын база планнаан. Чүге дээрге бо суур колдуунда чер, мал ажил-агыйлыг. Ылаңгыя мында чер ажылы дыка колдап турар. Төп черлерден озалааш, ырак суур боорга, олче

КАИ ажилдакчылары-даа келбес. Ынчангаш мында бар машина-техниканы право-документ чок оолдар мунуп алган ажылдап чоруп турар. Бир эвес бо суурга Кызылдың СПТУ-1 ортумак өөредилге чериниң машина, трактор чолаачыларын өөредир салбыр ажыдып каар болза, документ чок машина мунуп алгаш, тараа, сиген сөөртүп турар оолдар аңаа өөренип ап, тускай мергежилдиг апаарлар. Дайамаа Ховалыговнаың ол планы дыка шын, бурунгаар көрүштүг бооп турарын номчукчу эскерип-ле өр боор.

Бо Шаңчы суурнуң чурттакчылары, республиканың өске суурларында ышкаш, бичи пенсия, уруглар акшазы алгаш, оларын арага, пиво садып ижип аар. Ындыг чоруктары болдурбас, амыдыралга чоннуң сонургалын оттурар дээш суму даргазы шыңгыы боданып, чаа аргаларны дилеп турар. Амдызында ол суурда культура одаан сайзырадып, аныктарның культурулг амыдыралын хөгжүдеринче онза кичээнгейни салып турар.

Суурнуң чону мал азыраа-



Суму чагыргазының даргазы Дайамаа Ховалыговна Дамчай.

семиртип чайлаан, чаңгыс-даа хорамча чок болган.

Оон дараазында эки амыдыралдыг кырган Сотпа Монгушович Довут-оолдун бажыңынга бардывис. Узун назылыг кырган ам-даа



Эң үлегерлиг өг-бүлениң херээжен ээзи Бичел Сундуповна Монгуш уйнуктары-биле.

рынга дыка сундулуг. Шаңчыда чаңгыс-ла кудук бар. Оон суурнуң чурттакчылары ижер суун алып, мал-маганын суггарар. Чаңгыс кудук арай-ла четпес, мал-маган суггарарда оочурлаар. Ынчангаш ийи дугаар кудук кылдыралын чаа суму даргазы шиитпирлеп алган. Дайамаа Ховалыговна салган сорулгазын чедип шыдаар-даа. Ынчангаш суурнуң чону ону соңгуп-даа алган. Оон ыңай хлеб быжырап чер, пилорама-даа тургузар план бар. Суурга амыдырал экижи эгелээрге, оон чурттакчылары көвүдээр. Чурттакчылар көвүдээрге, амыдырал улам солун апаар болгай.

Эң хөй мал азырап турар, эки амыдыралдыг үлегерлиг өг-бүле Дүрген-оол Монгуштуң бажыңына бардывис. Ол боду чок, Чөөн-Хемчик кожуун барган, өөнүң ээзи Бичел Сундуповна база Красноярскиниң юридиктиг техникумунуң студентизи оглу Айдыс Монгуш олур. Авашкылар 280 баш шээр малын, 25 инекти, 14 санныг чылгы малды тудуп ораарын чугаалады.

Бо үлегерлиг өг-бүле 5 уругну азырап өстүрген. Ортун оглу Роман – Шаңчыда көдээ ажил-агый кооперативиниң инженери, үшкү оглу Коля – чолаачы, Амырын – ада-иезиниң дузалакчызы, хеймер уруу Чаяна – эмчи училищезиниң студентизи. Ажил-ишчи улустун ажы-төлү база ажил-ишчи болуп өзер болгай. Студент оглу Айдыс Шаңчының көдээ ажил-агый кооперативиниң 130 хураганын

сергек, бажыңында элзэн хөй шээр мал, 12 инек, 8 аътты тудуп турар болду. Аныянда кончуг мөге чораан. Шаанда кончуг аныяк чорда, Барыын-Хемчиктиң Дүктүг-Чода деп шолалыг кончуг мөгези Наадымга хүрежири-биле бар чорааш, Улуг-Хемге хүреш болган черге таваржы берген. «Чаа, Улуг-Хемниң хамык мөгелериниң шуптузунуң довураан кактап берейн» – деп, бардамнап хүрешкеш, мөге Дүктүг-Чода бир дугаарында база-ла амыр эвес мөге Сотпага (амгы бо кырган) таваржы берген. Дүктүг-Чода канчангаш-ла миннип кээрге, черде октаткан чыткан. Кончуг кашпагай Сотпа мөгениң канчаар октапканын кым-даа орта ожаавайн барган. Шак ынчаар бүдүн Тывага сураглыг мөге Дүктүг-Чода Улуг-Хемге чаңгыс-даа мөге ашпаан. Ол хирезинде Кызылга Наадымга чеде бергеш, шүүп каан деп сураа дыңналган. А бистиң бо кырганывыс ам-даа «мөге хевээр», Шаңчы суурнуң үлегерлиг чурттакчызы бооп турар.

Ынчангаш ырак хову ортузунда Шаңчы суур чаа шыырак чагырыкчылыг, үлегерлиг эки амыдыралдыг өг-бүлелер көвүдөп турар, улуг суур кылдыр өзер магадылалы хөй бооп турар.

БОРИС ОНДАР.
Василий БАЛЧИЙ-ООЛДУҢ тырттырган чуруктары.

